

Dialekvereiniging Veldeke Venlo

Agenda:

1. **Äöpening door de veurzitter.**

Gojen aovend dames en hiere. Welkóm op ós Algemeine Lejevergadering van Veldeke Venlo op 18 april 2019 heej in dit schoeëne ónderkómme van 't Akkermansgilde.

2. **Verslaag van de Algemeine Lejevergadering van 11 april 2018.**

Veurzitter Henk Buskes merk op det d'r op de vurrige jaorvergadering jaomer genóg genne microfoon waas, maar dit jaor gelökkig waal. Vaerder löp Henk Buskes de notule van 't vurrig jaor door.

Róndvraag:

Frans van de Rijdt vruueg of de deilnemers aan de cursus Venloos laeze en schrieve ouk 1 jaor lang gratis lid zien. Dit is inderdaad 't geval en haet ós óngevier 7 nieje leje opgeleverd. Frans van de Rijdt vindt 't wiechtig det d'r minse beejkómme. Hae vruueg ouk of d'r 'n koppeling is tösse de Heemkundige kring Tegele en Veldeke Venlo. Henk vermeldt det de Heemkundige kring de Kroedwis al krieg taege betaling en det de meeste minse 't te vuuel vinde um beej twieë vereenigingge contributie te betale. Frans van de Rijdt vruueg vaerder of d'r ein jeug- Veldeke kin óntstaon. Henk Buskes vermeldt det weej heejmei bezig zien. Frans vruueg ouk nog of d'r nog waat gedaon wuurt met 'n jeugjury beej de declamatiewedstriede. Dit is neet beej ós bekind. Diana Vullings geit dit bespraeke in de declamatiewerkgroep.

Ine Bleijs: De Slumste Venlonaer is zónder mier 'ne fantastische kwante quiz dae neet verlaore meug gaon. Aevel de kins det gennen taalwedstried neume.

Is 't daorum meschiens 'n idee um ouk iets in d'n trant van 'ne taalwedstried te organise? Diana Vullings en Anneke van Kleef neme dit mei.

Niks mier aan de orde ziende, bedank Henk Buskes de notuliste veur de notule van 2018.

3. **Bestuursverkezing.**

Aaftraejend zien Wilma Janssen en Anneke van Kleef. Zeej stelle zich weer herkeesbaar.

Wiel Maassen waas ein jaor aspirant-bestuurslid en 't bestuur stelt veur um Wiel Maassen as bestuurslid te beneume. Anneke van Kleef, Wilma Janssen en Wiel Maassen waere ónder hard applaus geaccordeerd.

Ouk vermeldt Henk Buskes det Sjoerd van den Nieuwenhof de nieje webmeister is en det Marc Overdevest de Kroedwis vorm geit gaeve.

4. **'t Jaorverslaag van de Sikkertaris.**

Anneke van Kleef luues 't jaorverslaag veur. Kiek in de beejlage.

5. **Jaorciefers 2018 en de begrueting 2019 met oetleg door de penningfoekser.**

Vanwaege aafwezigheid van Martin Doesborg neemp Wiel Maassen dit op zich. Wiel leet de ciefers netjes allemaol oet. Tösse de begrueting van d'n Oeuverpries en de oetgaves is 'n groeët verschil. Henk Buskes leet oet det Gé Reinders 'n optraeje haet gegaeve in de Maaspoort en Veldeke haet heej 'n eige beejdrage aan geleverd. Ton in 't Zandt vruueg euver de koste van de Limburgse jeugdeclamatie. Dit betaalt Veldeke Limburg. De inkómste van Veldeke Limburg zien groeëter. Dit

Dialekvereiniging Veldeke Venlo

kump door 't stimuleringsfonds van Veldeke Limburg. Weej perbere neteurlik veur officiële aevenemente waat geld los te kriege. Ine Bleijs vruueg wat "de beuk" inhelt. Dit betref de kaokbeuk en waat andere bukskes. Dees zien aafgeschreve. Ton in't Zandt zaet det 't aantal leje neet mier klop. Dit wuurt op de site aangepas. Wiel vertelt ouk efkes euver 't aantal leje. Vaerder zien d'r gen vraoge mier en is alles dudelik.

Ónder dank aan de samesteller.

6. Verslaag van de kascóntrolek commissie.

Dit verslaag is van Wiel Maassen en Tiny Driessen en beneuming van de nije kascóntrolek commissie.

Tiny Driessen neemp 't woord en luues 't verslaag veur. Zeej verlieëne de penningefoekser decharge. (kiek in de beejlage)

't 2^e Kaskemissielid wuurt Frans van de Rijdt.

't Bestuur bedank de kaskemissie veur euren inbring.

7. Bestuursmeideilinge

Op waeg nao Kersmis geit dit jaor neet lókke vanwaege de aafnemende belangstelling en 't feit det d'r vuuel aevenemente in december zien.

Waat betref de lejewerfactie:

't Bestuur haet beej ein gezaete. Henk Buskes wilt efkes waat beneume:

Naamsbekindheid, 'n niej logo en dao kinbaarheid aan gaeve. Nije activiteite o.a.

'ne fietstoch, wandeltoch. Waat betref de lejewerving \oel aan alle doelgroepe, minse 'n gadget aangebaoje kinne waere.

Korting, vring of vringin van Veldeke waere, dit is allemaol aan de orde gewaes. D'n hier Thei Laemers wilt waal 'ne fietstoch oetzette, veur idderein, ouk met 'nen E-bike.

8. Veuroet kieke op 2019.

Henk Buskes neemp de agenda van 2019 door. Beej de declamatiewedstriede zoele weej reclame kinne make ónder de toeschouwers um lid te waere.

Henk Buskes vermeldt efkes det weej nao minse zeuke die met ós meidinke, weej hebbe beejveurbeeld 'n facebookpagina.

Piet Steunenbergh zaet det hae 't discriminerend vindt veur minse zónder computer, of weej heej aan wille dinke.

Is d'r veur de kinder ouk 'ne Slumste Venlonaer? Nae, meschiens iets um euver nao te dinke.

Beej "De Slumste Venlonaer" kinne ouk neet-leje mei doen.

9. Rondvraag.

D'n hier Laemers haet 'n meideiling: Weej zien bezig met 'n film te make. 't Archief van Venlo mak dees film. Hae en 2 dames zien heej mei bezig. In 't Venloos of Nederlands? De film wuurt gemak in 't Venloos!

Oktober – november – december 1944. D'n hier Laemers hilt ós op de huuegte.

Wil vd Laar: 't Limburgs is 'n hot item beej de Euverheid. Dit is 't zeker. Weej wille dit zeker op gaon pakke, weej hebbe dit ouk al behandeld.

Ouk met 't SOB is 't bestuur in ónderhandeling.

Tiny Driessen: in de "Kóm ens veur" steit gen locatie vermeld beej de activiteite. Op de website waal, maar neet in de Kroedwis. Dit wuurt aangepas.

Piet Steunenbergh: Of d'r met zien idee (kaarte) al waat is gedaon? Dit is waal aangehaald.

Ton in t Zandt vruueg of de veurstelle oet de enquête ouk opgepak waere. Weej hebbe dit besprouke. Beej de lejewerfactie hebbe weej dees punte ouk mei

Dialekvereiniging Veldeke Venlo

genaome. Ton in 't Zandt zoel dit gaer in de Kroedwis zeen. Weej neme dit mei nao 't bestuur.

Wievuuel pagina's haet de Kroedwis? vruueg Wil vd Laar. Vraag ouk adverteerders, met dees inkómste kin 't blaad zich zelf bedruipe. Weej bespraeke dit 'ne kier met de Kroedwisredactie.

Frans van de Rijdt haolt aan det d'r 'nne haop kaokbeuk zien verkoch. Meschiens is 't leuk 'ne kaokmiddaag veur leje en potentiele leje te organisere. Weej neme dit ouk mei.

Henk Geenen: De aanmeldpagina op de website klop neet hielemaol. Wilma Janssen neemp dit mei en geit dit probleem prettig oplosse.

10. Sloeting.

Henk Buskes bedank idderein veur de aanwezigheid en guuef waat oetleg euver 't Akkermansgilde, waovan weej zoeë 'n prissentatie te zeen kriege door d'n hier Bert Kok.

Notuliste
Anneke van Kleef
Juni 2019.